

Brčko Distrikt pokreće javnu kampanju protiv nasilja u porodici

OHR Brčko, Odjeljenje za ljudska prava danas je zvanično najavilo početak javne kampanje protiv nasilja u porodici. Kampanja će biti podijeljena u više faza i odvićaće se u različitim oblicima tokom cijele godine. Kompletan projekat je rezultat zajedničkih priprema i usaglašanih napora Odjeljenja za zdravstvo, javnu sigurnost i ostale usluge Brčko Distrikta, tima zaduženog za borbu protiv nasilja u porodici Policije Brčko Distrikta, Odjeljenja za obrazovanje Brčko Distrikta, nevladinih organizacija žena Brčko Distrikta, Odjeljenja za ljudska prava i Odjeljenja za odnose sa javnošću OHR-a Brčko.

Cilj kampanje je da istakne problem nasilja u porodici, nedostatka pravnih mehanizama za rješavanje ovog problema kao i potreba za organizovanjem ozbiljnih diskusija o socijalnim i psihološkim uzrocima i posljedicama i identifikovanje mogućih rješenja.

U okviru kampanje organizovaće se niz aktivnosti kao što su radio diskusije i diskusije okruglog stola, javne tribine, seminari i predavanja.

Prva značajna aktivnost je javna tribina koja će se održati **18. juna 2002. u 19:00 u Domu kulture u Brčkom**. Na tribini će se razmatrati porijeklo, korijeni, uzroci i pomoć žrtvama nasilja u porodici. Specijalni gosti ove tribine biće udruženje žena "Medika" iz Zenice, udruženje žena "Lara" iz Bijeljine, Forum građana Tuzle, Okrugli sto žena Brčko Distrikta, Udruženje žena Bošnjakinja Brčko Distrikta i Kolo srpskih sestara iz Brčkog.

Druga fazu kampanje sprovodiće Odjeljenje za zdravstvo Brčko Distrikta, koje će predstavljati Ivana Gavrić i Zlata Paprić

koje će nastaviti kampanju o podizanju svijesti o nasilju u porodici u svim mjesnim zajednicama Brčko Distrikta uz odgovarajuća predavanja i seminare.

U trećoj fazi, pod pokroviteljstvom Odjeljenja za obrazovanje Brčko Distrikta, ista kampanja o podizanju svijesti će se prezentovati u toku sljedeće školske godine.

Pozivamo javnost Brčko Distrikta kao i javnost okolnih područja da aktivno učestvuju u kampanji.

Za dodatne informacije molimo vas da se obratite Suzani Pejčić, službeniku OHR-a Brčko zaduženom za odnose sa javnošću na telefone 049-205-666 ili 061-133-526.